

泊

鷗

山

房

集

泊鷗山房集卷三十六

會稽 陶元藻 崑亭

詞二

如夢令

春景

細雨薄暉相濟正是養花天氣碧柳一叢叢中有小桃
橫倚風起風起幾點紅投窗裏

鵲橋仙

題閭門酒肆

時逢上巳朋來吳下蝦菜五湖味倍兼前不斷賣花聲

覺滿陌春深如海
流連顧曲纏綿把殘非爲眞娘墓
在今朝大嚼過屠門要相識善椎朱亥

瀟湘神

錢江晚歸

江水流江水流寒鴉聲落海門秋暝色滿帆風力緊西陵燈火照潮頭

沁園春

揚州旅興

遠卻瓜州便近邗江風光正勝有春水綠波繁紆舊郭短牆紅杏掩映誰家簫響猶聞玉人何在甘四橋傾水

拍沙再休問長堤錦繩內苑瓊花
雷塘一抹殘霞嘆
終古垂楊有暮鴉任籬菊庭柯夢尋故國鬢絲禪榻身
寄天涯第五泉邊二分月下細品人間顧渚茶沈吟久
到六街寂靜星斗橫斜

多麗

謙蔡芳三寓舍卽席送胡穉威赴良鄉周園牧
赴通州

過城南中郎新闢書堂春明市傳柑節近試鐙風裡飛
觴紙窗前寒堆老雪板檐上斜挂殘陽安邑菘貽潞河
筭到關東異味有鱗鯉欣此夕人占星聚底事別匆忙

長貧客唐花枝畔各訴離腸
再休言千里萬里只咫尺
便蒼茫古長安居原不易暫消受店月橋霜爲問何
年不因人熟能自作嫁衣裳買得薄田歸去吳越水雲
鄉謝紅塵尋梅邨塢暴背山莊

綺羅香

張詰士齋中食蟹時閔蓮峯鄭板橋陳授衣蔣
秋涇各賦五言一章余因填此闋

露白葭蒼江邨月黑正是螯肥時候箇箇輸芒郭索聲
依籬走青衫客身在江湖休問監司有否笑老饕爾雅
粗諳蟛蜞不悞餽涎口揀團尖解曉處清腴色味滿

鑊營廩劈理分肌敢鹵莽貽譏疎漏咀含唇吻狼籍賓筵都忘卻手持左右倒囊錢還訂漁郎秋照黃昏後

月華清

重過金陵懷古

鍾阜石頭古稱天險多少滄桑遷播王謝堂前那許燕兒長坐宮井畔玉樹歌殘臺城上紙鳶風墮何恨晉樓船沈卻波心鐵鎖昔年曾過秦淮正微雨收虹斜陽送舵檣襟被重來尚有鷗盟待我青溪渡口酒榭雖非紅板橋頭燈舟猶可吹徹玉笙寒閒話六朝江左

疎簾淡月

秋夜旅舍讀書

駒光易逝汲古縛偏修夜還繼日客館淒清細檢蠅頭
幾帙寒灰難熱茶鐺黑僮奴睡熟頭加膝涼風吹袂寒
蟹到耳打窗葉急家貧免鑿匡衡壁短長檠火照人
頭白贈墨爲誰助我精研周易不求甚解書何益啓雙
扉翹首天北一分旅况二分夜景三分秋色

山亭柳

送于小謝先生歸金壇

太史頭銜祿養足清酣懷故國桂歸帆擺睨東華塵土
搢搘舊笈書函笑道田園味美老去彌甘潞河水碧

蒹楓赤風光秋九勝春三菱角直蟹臍尖望見金焦兩
點浮沈冷翠烟嵐千里雁聲相送聽到江南

慶清朝慢

別陳句山先生

帽影衝風鞭絲拂雨五年索米長安憐才豈少是誰倒
屣門闥幾度陶然亭畔論文心許臭如蘭高談久騰觚
飛爵燭跋銅槃落拓不逢狗監應身歸鶴砦夢繞魚
竿雲非出岫敢說鳥倦知還只恐星星華髮難隨征鐸
轉桑乾向何處一彈再鼓流水高山

長命女

鼎湖山觀瀑天下瀑布多以直長取勝惟鼎湖之瀑以橫濶見奇
層巒下汎濫乳泉奔似馬聲撼山靈怕十丈銀牆乍倒
百幅布帆齊挂看閃閃光搖晝夜與白雲同鴻

歸朝歡

題常山旅店壁

叔子不如銅雀妓奴價何年能勝婢腰包腳裹雪風天
乘車戴笠炎涼地送窮窮不已櫂閒休學長鳴驥苦行
僧一瓶一鉢飪飲終何濟未消碗礮聞琴起壯不如
人今老矣長門空賦孰酬金南皮有約堪沈李人生行
樂耳去多時日來無幾盍歸乎非竹非絲山水清音裡

如此江山

謁湖州韓文公廟

螭精圍繞檐楹疊正在亂峯青處瘴雨銷沈蠻烟開
不是元和風土靈旂長駐應忘卻藍關雪中辛苦夜靜
山空大顛飛錫猶來去江流蒼漭一檄嚴於鐵鉞鰐
魚羞沮八代文章三唐人物只有公平其庶黃蕉丹荔
我瞻拜徘徊邯鄲怎步榕樹陰中手捫碑字古

風蝶令

客中送孫永延赴保陽

我殊機入洛君似粲依劉一般風雪打包游博得鬢毛

淮陽山房集卷之二
蕭颯幾絲秋 繸綺俱無益黃金幸少畱十雙歸買鑑
湖頭各去曉耕春雨叱烏牛

采桑子

桐廬舟中

浮家不畏風兼浪纔罷罷炊烟又裊茶烟閒對沙鷗枕手
眠 晚來人靜禽魚聚月上江邊纜繫嚴邊山影於聲
共一船

花發沁園春

寄樊樹

從古癡錢酸寒無分空勞兩雪驪遣君歸未卜我又長

行三載燕昭臺畔野店長河把雞月孤冰歷徧歎影倦
團圓席駛依舊貧似原憲老去詩人尙健是天賜鐫
鏹張軍毫硯廣陵調絕白雪歌希密苦膽畊誰辨關山
離異何日起南飛秋雁一樽開黃篾樓頭夜闌吟燭同

翦

錦纏道

雨夜德州旅舍作

路近燕臺行盡迢遙齊魯寒城外蕭然羈旅殘燈無焰
孤衾處纔斷鴻聲又下淒涼雨聽密密疎疎夜分未
住別離天較月明更苦今宵料不成眠這車輪腸轉多

少思鄉句

沁園春

邯鄲道上

古陌蒼涼往事回頭憑弔傷懷八萬旌旗奪將晉鄙三千粉黛歌到叢臺公子難歸君王易逝如許豪華盡劫灰荒原上惟衡泥社燕飛去重來呂仙祠下徘徊問枕上封侯安在哉便炊熟黃粱榮華有幾夢長年短樂極終哀人盡盧生沈迷罔覺百二蟻蝨枉費推真享用只五湖蝦菜布襪青鞋

卜算子

泛彭蠡

南條禹跡存陽鳥汀洲滿何處康郎古戰場一髮青痕
淺中流發櫂歌響答漁舟晚葉葉風帆下夕陽秋水
連天遠

滿庭芳

咏銅雀瓦硯

鄴殿銷沈西陵何處寒蕪衰草連天惟餘鴛瓦一片落
臺邊憶昔明霞曉映畫檐與繡棟爭妍覆盡了分香賣
履多少美嬋娟天然徑尺硯未加雕琢休問方圓賽
魯與荆璧溫潤堪憐那得銀鉤書法蘸荷珠細碾松烟

把當日陳琳一檄寫上刻藤箋

水調歌頭

登滕王閣

出郭近秋清
楓樹正酣霜
今朝把酒何處高閣尚臨江
渺渺衡廬難接但覺長天秋水終古自蒼茫
一幅畫中蝶
栩栩夢滕王
梁園廢綠嶺寂寥
小山荒畢竟子安騷
雅畫棟沐餘光漫說能文世少只恐知音人遠俯仰總
神傷幾點捲簾雨濺上客衣涼

蘇武慢

度居庸關

數里寒雞一鞭曉日天險居庸迎眼懸崖拔地峭壁排
空卻少塵沙打面林端架閣石罅奔泉馳到彈琴峽畔
叭嘒崎嶇雲裡馬蹄俱顛憶當年竇憲提戈燕然凱
奏銘著扶風班掾淒涼土木野宿龍旂又痛禍胎閻宦
歷歷長城迢迢宣府從此金甌永奠最愛他疊翠嵐光
照到關門四扇

沁園春

答劉豹君

魚素南來承訊平安敢訴無聊憶幼習編摩聚同雞蹠
長耽著述東比牛腰萬水千山危檣羸馬雨雪飢驅兩

鬢凋蹉跎久慨徒知擯風竟負題橋 經生伎倆空豪
被放年年類杜羔看黃盡槐花風簷六尺落殘桂子樟
燭三條誰復如卿君應憐我一樣頭銜托葦蕭再休說
那班張詞賦裏鄂弓刀

鳳凰臺上憶吹簫

燕子磯

不爲春來豈因秋去經營巢壘休忙任紅襟浪拍修尾
波撞闊盡六朝三國干戈事多少興亡江山好欲飛仍
止軟語商量 蒼蒼苔纏鱗剝與鷓鴣芳洲千里相望
異零陵碎石豈必成雙憶自辭歸王謝已無意再上雕

梨宵依傍秦淮蓬戶百姓尋常

金明池

花塚

藥椀春殘晝廊夜靜窗外微聞花泣間芳樹底事闌珊
步蒼苔不勝狼藉翠劉伶畚鉢相隨聚臘脂築起孤墳
三尺韜影沈沈色空無著冇再近他裙屐我似宮人
斜處立感環珮飄零松楸蕭瑟抔土下餘香漸散吁表
畔紅顏迴隔慨清明上冢爲誰歎舞蝶忘情游蜂絕跡
惟杜宇聲聲招魂枝上長弔月寒風撼

浪淘沙

趙北口

塵色避征衫水忽拖藍車裙影外見船簾一道裙腰堤
草綠界破澄潭絲柳碧纖纖眠起俱三隨風慣拂過
橋驂添得杏花春雨也便是江南

東風第一枝

濟南懷古

戲馬臺前濯纓湖畔一肩暫息行李弔賜履遺封表海
決決千里蓬萊水淺經多少銅駝雪涕澑飛來幾點寒
鴉何處穆陵無棣分金友纏綿古韻棄襦容激昂奇
氣招賢只有公孫酈人定非叔子諸賢磊磊恨不九原

呼起杜康泉新釀如佳爲我胸澆魂礪

曲游春

送周藍坡學士奉命祭告江源西嶽

星旆銜天語將報享神功西窮禹跡王事馳驅敢惜別
河梁臨岐太息四牡皇華後要重著使臣勞績險經奔
馬瞿塘又見巨靈手擘歷歷寒城荒驛看野館花紅
春帆雨濕醉醕牽犧仰旒冕飛揚雲旗紛集祀事告成
也登臨徧詩篇奇特寫出九派江聲三峯嶽色

疎影

少司馬芝庭彭公告養歸里適新建園亭落成

游以紀勝

風亭月榭似平泉一角楷模初罷曲徑穿煙蝴蝶成團
拂地柳絲盈把養堂移築家園近休錯認毬場酒社要
樓臺偏挹春暉處處碧紗窗挂排列爐香裊裊處鄰架
離奇宣和古雅三兩詩人分韻聯吟總是循陔佳話長
廊外新晴微雨正剩水殘山瀟灑看昇來冉冉潘輿剛
到紫藤花下

城頭月

蕪城萬箇何年聚零落猶如許臨水瓜棚倚牆花架薄

暮常相遇　畫樓高處因風舉錯認飛星過繞龍井欄
撲殘羅扇還坐人衣去

瑤花慢

題大恆長老閒吟小照

斜凭棐几這箇關黎是曹溪法裔鳥絲界得三五行爲
問推敲完未吟梅賦雪生做就騷人風致辦香禮長帽
仙翁卻肖龜堂老子半生挂搭名山南北峯前邱閣
知止旆幢屢沐天上露一領袈裟先紫虎溪憶別覺帶
笑眉紋神似待春深茶筭佳時重訪白雲蕭寺

好事近

南歸

散步出柴門秋色果然瀟灑牛背一聲橫笛在稻花田外
虹消天半雨初晴隔浦山如黛淼淼煙波千頃盡
魚鳧世界

鵲橋仙令

咏桂

攢枝瑣碎籠煙參錯撲鼻香風匪細深根空傲小山秋
占不着月中尺地黃英如鑄白華疑鑿色與名皆富
麗天憐貧士太無聊使畧識金銀夜氣

南浦

秦望山

萬乘蹕崇岡望嶠函雲似行人無數歷歷指神州誰爭
勝百二雄關天府六王已畢乘風好覓西歸路世世阿
房高枕臥遑計楚雖三戶衡陽神禹曾經四千年岣
嶁依然如故底事祖龍亡一片石試問荆榛何處迷離
煙雨大夫松影同消沮想是咸陽灰燼日此亦六丁下
取

泊鷗山房集卷三十七

會稽 腹元藻 峴亭

詞三

望湘人

杭董浦於周園牧寓齋見余珠江集歎賞不已
時余在漱石居董浦走訪以嶺南集易余詩而去

記飄零東粵包裹歸來轉瞬兩更裘葛指點羊城六榕
九曜弔盡熙寧人物蠶雨連天蠻煙漲海一囊收拾臥
鄉關幾夢前游口嚼檳榔紅滴今讀嶺南篇什覺纖

塔雲層花田逕折笑白髮詩人同是一般饑舌五七字
光孝星巖吟箋分鑿俱化羅浮蝴蝶終古賸滾滾寒潮
長打趙陀城闕

滿江紅

張南坪招游林氏園亭黃莘田同作

曲院層臺好一派午橋佳致看處處青雀浮波紅羊繞
砌山水自殊箏笛耳松篁總帶煙霞氣任酒兵詩律雨
森嚴攻堅壘年滿百人有幾游秉燭良有以況月華
冰淨花陰篩地元鶴夢迴吟未斷黃雞唱罷杯重洗笑
盤餐何物解人頤楓亭荔

青玉案第一體

懷秋佳伯兄

容城驛外風吹雨憶草草臨行語千載飢驅人最苦有
窮年壽無窮離緒此恨憑誰訴君歸我在泉南旅我
歸君入西秦去白首何年茶共煮輸他秋雁相隨雲路
又向蘆花聚

夜行船

湖上春游卽事

錫扇金裙紛似蟻賽餘霞終朝成綺一月肩輿兩湖歌
舫總被桃花驅使細雨濛濛飄不止憐枝頭斜風又

起催墮紅英操作一堆香土春上畫梁燕嘴

三姝媚

偕張百斯劉豹君周虎木飲商寶意司馬書齋
卽同步月過水澄橋聞歌有賦

繞庭階梧竹映白髮書生青衫司馬有酒如淮列家傳
柴汝樽罍古雅吟硯精良片石等雀臺鴛瓦重憶當年
說餅賓筵黃花水榭　金倒接離讌罷聽何處歌臺停
雲響乍顧曲周郎恐梨園人覺轉喉生怕今夕徘徊莫
認作李譽佳話擫笛彈絲偷譜霓裳月下

一叢花

贈梁山舟

辭榮不逐軟紅忙壯歲早還鄉清華最是藤蘿月又何
用太乙藜光老屋數椽焚僮灑掃自爇海南香葛林
雲樹巒山莊分翠到書廊蹲獅巨石當窗古掩映着幾
箇疎簾卯酒醒時一甌茶卉閒揭十三行

憶漢月

孤山

拳石青依淺瀨掩映朝雲暮靄果然洪谷畫圖幽子固
酒船何在骨銷簪未斷塚中疑有誰領解客來不見
鶴飛回一樹梅花無賴

雙雙燕

鼓山

鯨波海岸忽峩峩
摩空天雄壁壘中峯放眼一髮琉珠
千里嵌翠琳宮岫底排佛骨清寒無比是誰演法降龍
終古人天歡喜漫道靈源聲徒有澎湃松濤猶喧人
耳山門乍暝面面白雲滃起茶椀詩瓢芒履都在星河
影裏徘徊百步長廊滿地月華如水

海棠春

客中有感

件春來也驚春去話家鄉雲波修阻某水某山閒是我

曾游處
寒帷欲臥仍延佇
怕夢裡難尋歸路坐對短
檠紅陣陣黃梅雨

蕙蘭芳引

重陽

欲賦重陽父手閒吟意遠
幸負郭無田門絕催租吏喚
未能免俗選箇峯巒登踐藉枯藤
賈勇拄到夕陽山半
紅葉邨莊黃花籬落白雲亭館經如許
安排敢負螯
肥甕滿長空目淨新晴氣爽望秋城
數里彩虹中貫

青門飲

輓觀補亭左都

惆悵當年君來三浙我畱百粵儼如相避落落風塵茫
茫湖海難得一人知已感平生肝膽重鷗盟纏綿多誼
參商偏隔神山轉違法船罔濟聞說修文在地嘆人
世沈魚誰援波底宿草將零生芻未寄夢到荆高燕市
黃葉秋城下悄朱門歲蹉跎深閑天涯無紙招魂彈淚向
斜陽裡

風入松第二體

觀書

紅箋鬢鬚寫平安嘆覽古彌艱凝眸點畫生重暈模糊
處善本難完何處問龍乞水洗吾老眼清還少陵花

在霧中看我興亦闌
珊紙窗廢卻攤書坐
怎遣此瓶罄
年殘那得牙籤三萬盡
教字大如杆

玉瓏璁

由三生石至上天竺而歸

花無語石無語山禽偏把因緣訴
松篁密香臺隔數里穿雲鳴泉一脈瀟瀟瀟
僧常住佛常住遺鉢墮鳥人來去峯凝碧煙如織獨客歸郵馬駛殘日得得得

醉江月

自述

詞壇掉臂被虛聲悞我朋儕傾倒畫得旗亭詩滿壁都

變雪泥鴻爪善病相如長貧孺子況復垂垂老讀書何
事關情偏在溫飽歲歲折柳河橋送人作郡路鬼抑
揄笑旣識人生原是夢悔不邯鄲醒早掃葉傭書牽蘿
補屋是我經綸了嬾支藤杖再拜人扶亦好

湘月

延平舟次

灘流停響山城遙亘人煙初滿荒寺雙扉江岸閉潭水
碧於僧眼船尾歸鴻榜腰斜日怎把離愁翦久狎淪漣
魚鳧是我宅眷潔洄水路三丫維舟何處篙下量深
淺次第邇鑑蘋末起如豹幾聲寒犬劒氣雖空龍腥猶

在弔古吟亭館驚人詩就斗牛恐射詩卷

蕙蘭芳引

夜泊聞鐘

郵柝猶嚴聽隔浦黃雞纔喚何處上方鐘響到菰蒲水
岸琅琅清越未許那天風吹斷把眠鳬驚起一陣雁行
分散百八聲聞自成節奏疾徐相間異鼓動譙樓更
打蝦蟆零亂河漢微雲明星肴爛臥霜蓬夢醒寒山夜
半

風入松

題何鏡江蜡飲圖

幽風圖畫此重摹入蜡慶菖蒲祭虎迎貓阡陌畔祈報
畢童叟歡呼處處巫簫吹徹邨社鼓撾餘豚蹄雜
黍穠園蔬家釀不須沽扶醉各歸邨舍去頽唐狀其樂
何如愧我不勝杯酌枉稱識字耕夫

燭影搖紅

由山塘至虎邱

彈指星霜十年重作吳門客山塘添得幾亭臺相約攜
樽檻滿地落英狼藉更風颺垂楊絮白濛濛飛過亞字
牆腰棗花簾額虎阜嵯峨酒家樓對生公石依然吹
徹玉笙寒祇嘆人非昔海沸山門裙屐誰澆飯眞娘墓

倒最傷心是一片荒苔半竿殘日

憶王孫

邢上

賣花聲 遂賣餳簫廿四番風廿四橋日輪高照着鶯兒
坐柳條

雙雙燕

題西施廟

蛾眉廟食傳是何年者衣香人影溪毛襍沓我亦移舟
祠下猶猶較同原野遙望見珠旛動處渾疑翠珮明璫
倏駕雲車風馬 痛煞蘇臺飄瓦便沈入江心君恩難

捨怎歸越國輕戀粉榆邱社憶到湖灣避暑響屩過靈巖月榭縱使香像無言也應泪如鉛鴻

燕山亭

游厯烏山

森森烏江摩乎否耶徒剩湖心石愚叟移山精衛填波一例齊東詭僻雲水浮沈天生就金焦標格光輝笑纔盪扁舟又乘雙屐我愛竹院伽藍魚蟹通家鶴猿同室尊羹孤飯且住爲佳話別此君何急風帽回頭詩思挂斷崖千尺千尺暮靄亂堆深碧

沁園春

春餅

彼餓餧些抑餌飪兮物維其時看釜底網組一輪月魄
爐邊翻覆幾疊雲衣翦燕芳辰放鳩韶景飽啖東風佐
酒卮玲瓏影覺真堪映字豈獨充飢此中肉味能知
任蔬笋相兼氣亦宜元夕張燈賓筵首列清明上冢饗
榦猶攜殊費調和不關捶打西北蒸炊識者希如綿樣
只廣微一賦寫照精微

石州慢

過黃華田齋頭縱觀所蓄端石諸硯其爲吳門
顧二娘製造數枚特勝

五嶺蠻煙何幸端溪恰逢仙吏可憐解組歸橈幾片羚羊石髓清眸鶴鵠盼他葉白花青磨刀羞割春雲紫幕夜本無金應宦囊只此溫潤無瑕曾經小巷專諸吳嬾手製彷彿就南唐宮樣摩挲審視蛾眉工巧賞音祇有浩翁臨池穩稱簪花字恨無墨東齋少薛濤牋紙

泓園春

西冷橋步月

三五良朝曳屨西冷月上黃昏燦若金盤不教仙捧大於炊餅未許魚吞蘚小簾垂六橋人靜獨看嫦娥竊藥奔新樣色勝白沙翠竹入暮江邨兩湖清氣網緼除

卻漁舟孰與論愛數里波光明疑有談一枝梅影淡欲無痕亭榭迷離羣峯煙漲何處重招處士魂風帽側聽寥寥野寺僧打山門

木蘭花慢

金陵送梁瑤峯巡撫湖南

蔣山纔話舊又一別楚天長對霜葉如花澄江似練離緒蒼茫難忘昔年嶺表吟箋酬和墨痕香終日步松官閣幾番擊鉢西窗堂堂開府向沅湘戟繞碧油幢念恩深帝簡爲霖作楫休負封疆襄陽峴碑猶在好將裘帶繼循良莫學庾樓老子徒矜嘯月清狂

湘月

人日

蓬門晝靜容白頭消遣草堂人日煙艇斜川魚鳥近過
眼兩更晨夕餅餌香清菜羹味美臘蟻浮樽碧梅花一
樹疏影籠我巾幘須念清福無多城南佳處莫負登
高屐幾陣東風簾外至吹熟酒顏增亦挑菜籬邊打冰
河上定漏春消息尋芳休待蘚蕪青到前陌

昭君怨

曉渡廈門

四野荒雞聲作催得晨星落落一棹趁浮鷗過涪洲

纔隔銅雀城郭又到嘉禾海角紅樹擁山樓驚門秋

瑣窗寒

重過香爐峯下老不能登悵然有賦

五十年前手捫星斗振衣雲表寺門閒竚覽九點齊煙
小嘆再來前度劉郎具無濟勝徒煩惱這蕭蕭白髮那
堪偏值西風殘照石棧天梯杳似夢後華胥追尋難
到寄語方袍松逕何須重掃睇孤峯螺髻堆藍依然秀
競千巖好嶺頭猿笑煞鬍鬢人老青山少

解語花

寄酬穉威

煙霞骨相魚鳥心情丹轂原非侶夏蟲相遇冰難語誰識薦雄詞賦升沈有數已早卜君平季主僕至今恨海難填君豈天能補萬卷撐腸共許柰蛾眉謠誄泪零如雨儒冠竟僕徒自嘆寂寞乾坤一腐茫茫塵土有多少英雄失路慨當年鸚鵡才高搃破漁陽鼓

玲瓏四犯

萬松嶺送齊息園少宗伯歸天台

京國唐花曾共壺觴彩毫分賦天上夔龍歸訪漁朋鷗侶若非墜馬金門官輕放懸車衡宇廿年畏友重逢慰盡關河離緒亡書三篋曾吞吐山窗正與論千古亭

舉木葉下蕭蕭一棹送君南浦幾回思上瓊臺鶴背天
風猶阻訂石梁橋畔待我瘦筇同拄

燭影搖紅

悼亡

四十年來離多聚少風兼雨老親幼子更家貧饉歲偏
遭屢多感室人揩柱悵零落釵荆半股塵生鏡匣想泣
牛衣那能共處憶昔挑燈溫經相伴鳴機杼吾衰不
改舊門閨孤負糟糠苦病枕淚痕無數有多少傷心未
語招魂何在野曠天高亂雲如絮

夏雲峯第二體

招夏更生廣文邵二雲王方川兩編修黃華陔
孝廉譙集泊鷗莊卽同泛舟湖上

廸眼籬疎魚鱗徑曲空谷足音相接斷荒圃鮮烹犧角
汲幽澗香浮雀舌醉如泥射覆藏圜各各斗量才聰明
冰雪喜星聚茆堂屢盈蓬戶都是過江人物 新漲重
湖煙水濶漫回頭萬壑思歸東越綠楊岸櫂隨飛鷺紅
藥塢坐聽啼鵝豔陽天一詠一觴這裙屐風流寧輸老
鐵消夏應佳訂蘭舟莫負藕花時節

齊天樂

余在閩時嘗命善歌者度曲有異山葉生年已

七十聲猶絕倫每屆歌期輒居首座今相隔管
絃十有餘載矣回思往事爲之慚然

九仙山下飛觴酌燭影光搖簾箔閉炙鶯笙催搗羯鼓
丙子年

代喉嘹亮已度卻數里綠楊城郭富貴

何時人生固當早行樂十部華清唱徧更移宮換羽
悲歌交作三疊陽關一聲河滿泪與林花並落風流雲
散料白髮龜年繞梁非昨幾夢雙門顧曲水雲池閣

壺中天

題樹滋六弟觴咏圖小影

輕輿軟馬謝紅塵不愛五陵城郭綿羽清音林杪出喚

破幽人寂寞春草池塘西堂夢醒往事渾如昨惠連相對
媿我才遜康樂憶昔癸丑羣賢主盟誰是一序臨河作
今曰無朋偏得酒蘿月松風獨酌父手詩情撲鬢吟態
多少碧雲烘托畫師知爾胷中自有邱壑

鳳凰臺上憶吹簫

題董香光連昌宮圖

長慶詩豪華亭畫史後先意匠非常感銀牆圍繞萬箇
叢篁處處雲窗霧闌珠簾隔釵影衣香何緣見掃眉號國
吹笛寧王茫茫霓裳驚破漁陽鼓延秋多少蒼黃
痛凭欄人去鳥啄空廊那得白頭宮女招魂至坐說先

皇難歸寫馬嵬長別劍閣淒涼

臨江仙

同李姬桂芬泛舟湖上

一棹殷家橋外去白髮對紅顏船窗同看水雲閒軟玻
璃內倒影夕陽山皎潔冰輪湖岸起清光十倍山閒
山齋燈火莫招還有情天好忍捨蓼花灣

酌江月

臘八日作

嘉平良序正舒翠階下祥蓂八葉七寶芳鮮語寵妾此
是東京故物香稻新春寒樵初墮作粥全家啜堂餐何

異但輸蕭寺瓶鉢。今日浴罷牟尼想。一絲不挂六塵俱脫祇惜流光赴壑蛇揭諦神威難遏炎硯爐邊莫草草負此殘冬風月沈吟良久有無佳句呈佛

泊鷗山房集卷三十七終

泊鷗山房集卷三十八

會稽 陶元藻 峧亭

詞

四

夜行船

山莊秋夜

過話漁樵歸去矣聽招提晚鐘乍起零露溥溥飛螢箇
箇一碧天光如水舊宿寒鴉猶未徙好林泉鳥猶知
止偷看詩人今夜月高風定夢在木樨香裏

點絳脣

惜春

春去堂堂暖風吹老垂楊線蝶蜂爭戀攔住飛花片
爲報詩人詩料從今鮮除非湖岸水檻芙蓉戰

疎影

輓彭芝庭大司馬

支硎山路有佳城鬱鬱亂雲遮住十五年前樽酒談心
鬚眉今在何處騎箕駕鶴俱難擬恐已作芙蓉城主賦
大招慟哭三閭滿紙冷風淒雨最感燕昭臺畔屆星
軺乍發慨慷數語阻我爲誰彳亍天涯歸馬似泥沾絮
纓桐孤負裁成意至白首轉悲自悵買五絲繡出平原
還把范蠡金鑄

齊天樂

湖上送鄭誠齋宮允歸嘉興

故人久旅金沙北
閱徧堤花開謝煮茗焚香風亭月舫
長共水天閒話回首當年燕市前
盟嶺南舊社晨星落
落幾人猶對西窗夜漫說香山坡老絡繹游驄誰似
書筭多暇底事思歸紅塵輕惹今夕帆風天假人何在
也烏桕塘灣白蘋洲汎涼雨蕭蕭獨坐孤篷下

菩薩蠻

春行

賣餠簫暖鶯聲急裙腰堤草風吹碧春色落誰家牆頭

出杏花 酒樓臨水畔丁字簾初捲宋嫂作魚羹蘭橈
且暫停

沁園春

贈鮑以文卽酬寄懷之作

古歛青衫羈旅錢塘星霜幾更有老屋三閒然脂夜輯
明駝千里負篋晨征名重蕭齋題襄

宸翰特許多益辨能

恩稠疊更秘書籠錫曠代殊榮 新詞寄我柴荆愛俊
逸參軍句有聲愧飛閣層樓豪情難遣紙窗竹屋野景
初成紅蓼灘邊綠楊磯畔管領魚兒老此生待良友把

吟箋對鶯酒蓋同傾

南鄉子

詠洋桃花

一樹暮春初搓粉雕瓊雪作膚彈上輕紅脂幾點清腴
尋徧桃源種絕無嫩色照林於燕瘦環肥兩不如妬
婦若經花畔也驚呼我見猶憐況老奴

黃金縷

三月三日雪

凍就如肯三月雨柳未成陰萬地先飛絮料峭東風寒
不住枝頭吩咐鶯歸去白雪陽春歌一處曲水生冰

修禊人難聚滿樹天桃絢變素教人錯賦梅花句

解珮令

重過錢塘門新莊有感

石連雲徙樓凌波起這平泉經營匪易曾共家姬待涼
月闌干徧倚到而今渾如夢裏 扁舟誰繫重門誰閉
手栽梅此時開未過眼雲煙孤負了蔚宗高誼付東流
一湖煙水

十六字令

宿浮峯寺大悲閣

秋薄暮蛩鳴佛院幽松風起吹月上高樓

百字令

魯璠圃齋頭看菊

城南逸士養霜葩。滿院嘉名無數密。
疎疏相閒處，映帶筆床茶具和。靖寒梅濂溪碧藕怎與秋香侶。
西風拚瘦簾前且避涼雨。最是鳳脰高燒魚膏低射光閃驪珠吐。
一月歡場猶未了，詎負半年辛苦媿我東籬幾枝冷豔。
那得奇如許，畫欄干畔如何別卻花去。

探春慢

汪龍莊以校文試院詩見寄製此闋答之卽以

代簡

趙武孤生皋魚孝感天遣牛刀早試雲夢波寬洞庭岸
潤穩送鮑帆風利循績陽城近勞撫幸無忘古意眼中
桃李盈門郭外桑麻滿地 憶昔泊鷗舊墅曾鬪酒煙
霞聯吟荷芰疎雨廊前殘陽壁上猶有故人題字正離
懷榮處喜千里新詩忽寄不廢篇章何礙一行作吏

望湘人

簡平確齋

念陳編結習破硯生涯舊雨情懷攸繫彈鋏東甌賣文
北薦幾共馬羸貂敝我老江干君歸林下仕非隱勿向
鑑湖營得菟裘咫尺清娛故第確齋家有樓名清娛一帶山青

佛髻况魚籬春漲梅坪月霽料有髮頭陀說盡煙霞妙
偈計何日鼓木蘭片櫈重訪曇花水際無垢土分坐蒲

團參取楞嚴真諦

確齋性好佛其別業曰餘菴頗幽致

永遇樂

宿泊鷗莊

掩戶柴門沈雲老屋杖藜重倚夢怯難成句敲未穩中
夜披衣起半明不滅寒篝鐙火尚照一堆書史聽聲斷
天邊雁語葉葉風鳴窗紙籃輿遠道桑榆暮齒知有
幾回棲止十二年前養花疊石座滿知名士綠楊紅杏
飄零安在碧牋半池春水再休計榮枯世事物猶如此

東風第一枝

聞葛林園心遠上人坦化爲之撫然有虛照僧能詩梁山舟延爲住持余因過訪贈之

錫杖猶存龐眉何在蒙泉寂寞如許韋駄金杵仍新長

老衲衣竟腐

心遠初病寺內韋駄忽倒及重葺金身選期升座卽於此夕心遠逝世

沈沈

梵殿誰重振晨鐘暮鼓幸白雲迎得閻黎能繼恆公法

乳

北山詩僧大恆圓寂後久無善吟者

拂淨几編摩蟬蠹煮細旃邀談

嵇呂偶然月下敲門時向佛前呈句廬山社裏難見此

少年丰度想連朝雪滿湖天吟到梅花深處

一萼紅

題沈石田畫松

此神物是徂徠天授靈氣鬱綱繆梁棟雄才空山偃蹇
老來格更超羣惟樹畔千鈞巨石同古意蒼勁照斜曛
知者爲誰登龍學士射虎將軍 羲煞石田妙繪能腴
中帶骨緩處藏筋滿腹離奇一生兀傲都歸紙上煙雲
恐入夜風吹柯葉有怒濤走屋驚聞應與畢宏張璪鼎
足三分

七娘子

山居

溪山深處清無比草閣蘆簾真福地花影半床松聲湍

几日高三丈眼方起。山廚休說無兼味。巖收筍蕨潭
叉鯉觀瀑觀雲且行且止終當樂死林泉裡。

四字令

春興

峯迴嶺斜雲埋樹遮香聞路口三叉識山邨焙茶清
溪白沙平橋短槎西窗高挂誰家看浮來落花

東風第一枝

贈湯秉玉

絳縣年高少微星。朙城南肥遯自適水如茗。雪淪漣山
似衡巫奧折艮圓。數畝足領取一生衣食最憐他。繞逕

楊梅過處柳簷常側 花映着書床筆格雲銷着鴨牘
雞柵招尋耕釣幽人屏絕簪纓熟客支頤窗下看暖翠
浮嵐欲滴倘容吾分買煙霞願傍神仙窟宅

長相思

湖上

米家船范家船書畫褶敘各滿船中閒襍管絃 晚風
天晚風天吹得垂楊絮撲天銷魂又一年

慶清朝慢

趙園

清獻高門平原豪舉歲難深鎖春光垞南崦北隔開三

兩池塘行盡虹橋曲折戎戎舊樹閒新篁掩映着幾堆
怪石碧獸紅羊一幅右丞粉本命良工撫出元壩西
莊煙霞地勝何須郭外尋芳醉欲壼書壁上恐人譏我
醒而狂空留戀笛床茶臼水院雲廊

荊州亭

過石巖山下全軒孫賦

久別煙霞如餓今日捫蘿敢惰雲罨亂山坳又被芒鞋
踏破卸卻衣衫僕駄吟就詩詞孫和落葉掃秋根選
箇好峯對坐

蘇武慢

哭珍兒

地近龍荒味如雞肋去日已生愁
緒烽火心驚城陴力守鞅掌五遷瘠土病骨銷磨俸錢蕭索妻子回頭何處扶櫬歸青簪姬人五齡弱女早知捧檄如斯庭下傳經悔不課兒學圃甚矣吾衰那堪腸斷忍見荒郊殯汝落葉堆前亂峯影裏還把短筇來挂任風吹老泪難乾灑徧夕陽平楚

滿庭芳

酬陳驥雲比目魚

對豁魚眸忽分隻眼須知同一肝腸合之兩美倘離則

俱傷畢竟奇仍是耦揚譽處形若相忘愛他並浮雙影
動煙水隔中央季常遠索得海濱異味佐我壺觴縱
乾雖成羹腴尙如肪纔識無鱗甘美較黃河尺鯉差強
但恐感天邊比翼驚見弋人僵

月華清

送聞遠姪赴江南

楚尾吳頭江南江北是我昔年游處嘲雪檣風煉得鬢
毛成素悵阿咸又唱陽關輕逐離鴻遠去過長短亭邊
應和舊題詩句從今王謝門庭算有幾耽吟起予可
語風送滕王官畱戀豆棚瓜圃紅葉下山寺尋僧黃菊

畔草堂分賦幽趣問歸帆何日再圖良聚

洞庭春色

臘月五月初度

五葉蓂舒今夕何久回首蒼茫念飄零風雪半生離緒
團園鎧火幾歲歡場一徑松楸先壠寂碑版無出更
顯揚浮生夢忍腐同草木掃等粃糠中年易傷哀樂
能禁此遲暮淒涼憶鹿門緣淺九泉難起鯉庭祚薄一
个先亡百感茫茫交集也縱有酒如澑亦斷腸休給我
說是翁叟鑠髮短心長

人壽幾何臣今老矣焉用文爲算少如來佛五年寒暑

多絳縣叟兩歲于支我命不猶磨蝎守慨畫餅時逢復
漏卮莫興感到未來已過現在如斯山行一枝邛杖
藉煙霞猿鶴扶持似少陵野老文而不貴隴西邊將數
則偏奇料理羊裘垂釣去任嵐影溪光上鬢絲祇慚愧
那賣漿食客屠狗男兒

曰薄桑榆又加馬齒老醜堪羞況瓶之罄矣江淹善恨
歲將闌也吳質多愁行藥乍回抄木序悵肺病經年更
甚秋催人老是花看在霧蟻鬪如牛自慚蟪蛄歲月
歎親故且似蜉蝣過黃公塲畔已無舊雨習家池上都
是新鷗裏足不趨觴咏會愁年少田郎厭白頭天憐否

或蕉甜獨後綱古同修

古不云乎達人知命較慙枯榮柰興悲古廟重瞳有淚
見嗤遠使金榜無名何處更矜嘴爪健對快馬康莊話
不平笑前夕授南柯太守衣錦宵行能參透存亡數
將庚寅庚子同情今松坪藥塢娶畱筭屐紙窗竹屋未
了書檠礙懸弧風更雪願修到梅花等樣清寒煙外一
灞橋驢背白髮諸生

湘月

雪夜由錢清返棹

雪篷西轉一片模糊村落絕無人語太守祠邊風力緊

吹猛撲船狂絮梅艸塘坳魚沈激底客在汎壺住暝鶴
三兩帶聲飛過前浦 舟子嬾似疲驅催呼罔覺峭冷
逼吾衣履咫尺柴門盼不到何況關山羈旅晚飯未炊
寒爐難熨漏刻茫無據荒雞眠穩休教驚我歸櫓

八聲甘州

送王芳汀赴新安

羨卿耶才子正丁年意氣薄層霄問溫經十載論交四
世底事輕拋要試參軍壁畫慷慨代人庖看大夫勸懲
處士聲高 休歎江山如畫憶籃輿坐我兩廄遠有
攜歸龍尾磨久已成凹聽今番渭城朝雨應夢魂重溯

到烏聊春郊外白雲青嶂濶水長橋

蘇武慢

又雪

齊景方融陽烏頓匿依舊同雲濃布山容冠玉剝蝕參差瀨牘爭新漸補重逢瑞兆益信豐年繾綣天心眷顧媿老夫下澗無田恐負多稌多黍纔掃開巷北橋南續紛堆採又失尋梅去路程門再立梁苑回頭銀海光搖如故白戰未忘空拳尚在餘勇我猶堪賈吟歸朗朗瑤臺續聽堯年鶴語

玉燭新

全桂芬阿超西莊采菱

問干卿何事當嫋嫋西風在河之涣舉雙頭四角今誰
辨索解人原不易熏香小妾與騎竹童孫並侍便算做
泛宅浮家笑語分甘水次 紛紛翠婉紅嬌偏反動澄
波絲牽未已放舟日午搖曳到邨舍暮煙齊起盈筐滿
几博得老饕狂喜要賽他菰米蓮房江鄉風味

喜遷鶯

湖山神廟有鶴一隻見余輒舞且舞必良久因
左翮爲人所鎩不能高飛憐而賦之

矯然姿致豈必處雞羣纔驚其異餉聚潭皋乘軒沫土

但未滿平生意既無成都賢守又乏孤山高士只合向
閨苑傳書也不應來此羊公休浪喜客往觀時厥狀
醻醜矣吾爲若歌若爲吾舞相契因緣匪易山下芝田
難得世上道林有幾誰護養這凌霄病翮翔千里

意難忘

夏日沈咸若招游嘉湖別墅採食楊梅復泛舟
孔湖

櫂出南城喜楊梅林下舊雨相迎琴樽擣竹屋雞黍款
松坪纔曳屐復揚船避暑孔湖行最好是山空有影潭
靜無聲滿川香杜芳蘅況多情石姥螺髻堆青煙霞

濃淡鱠魚鳥淡忘形殘醉醒晚涼生一片夕陽明剛照
到渡頭短約柳外疎簷

疎簷淡月

余築生壙處與先父母墳塋去纔里許始築
之夕卽夢慈親不勝感愴

一杯黃土恰面挹西峯非耽氣爽咫尺先塋差勝白雲
遙望河東有賦天難上負雙親沈淪窮巷未膺半職敢
希五鼎祭貧如養矧甘載塵輪浪槧定省光陰遠游
長曠夢裡纏綿猶是縫衣情狀願呼兒早歸泉壤墓門
月白松風響縱然魂魄長依怎抵生前相

月華清

盆荷

庭院幽閒盡盆森列邇種紅顏如此終日凌波雅擅洛
神姿致經長夏何畏炎蒸生濁淖不霑泥滓洵美那尋
芳茂叔愛蓮有以 最是平明早起看旭影初籠露華
纔洗除靈運詩篇有誰堪比契予懷其臭如蘭任風動
立而不倚凝睇幾花鬚姑殺西湖十里

水龍吟

輓詩芝厓

生平慷慨談兵馬前露布旆頭檄嚴城雖破匹夫猶勇

堂堂罵賊卒士皆臣知方有素捐軀何惜芝臣在諸
文之難罵賊被擒不屈而死

縣幕遭林火歎臺澎官舍參軍無數誰血濺青衫赤

昔日三山同客屢攬酒吟花對奕一帆風利廿年星

散九原憐碧奏凱歌還故人何在望洋心惻夢海天聲
屬忠魂怒髮共鯨波立

虞美人

題王石谷煙江疊嶂圖

江南江北帆檣路參錯懸崖樹水邨山驛已模糊何況
峯坳塔影有疑無浮嵐暖翠陰晴態盡拾魚胥內煙
波最好楚天秋添我一簫載酒上荊州

醉蓬萊

陳麗湖自遼東旋里寄此代柬

感良朋離散匹馬斜陽長城遽出一十三年困窮廬荒
積凍雪如山驚沙似礮銷盡人肌骨幾度思君迢迢邊
塞鯉沈鴻寂何幸春回恩深雨露萬里孤臣玉關
生入舊巷烏衣休悵燕巢都易秦望煙霞鑑湖風月尙
儘堪游息寄語陳遵蕉境方甘莫嗟頭白

蘇武慢

七夕

塞雁初歸庭梧乍響天上團圓佳夕暑因露洗風與雲

微萬里銀河浪息問津燕婉雙星駕鵠有緣成橋匪石
感人聞乞巧牛郎謀拙當年空惜猶欣幸相逢歲歲
秋以爲期清漢何曾長隔離懷重訴差勝嫦娥終古廣
寒無匹曜色多情且教淡月稀星相催休急這話別殘
宵真箇千金一刻

夏雲峯

門前有兩槐植六十年矣忽遭大風拔去其一
感填此闋

綠樹森濃停雲左右疇昔栽培匪易分明是桑樞野景
偏髮鬢銅駝遺意恁狂風伯無情將作楫良材簸同

糠粃歎落角搘牙傷根拔本寫盡蘭成賦裏
回想喬柯簪呻起覺伯仲龍葱聯芳眼底方期汝干霄直上誰
料及中途天棄感老懷無限淒其看映戶形單花黃頓
異語訪舊朋來傳書使至休問雙槐門第

玲瓏四犯

蘭亭懷古

修禊云遙墨妙臨池千秋絕技石馬昭陵終古雲封蘭
紙夷猶片筏緣溪風景果然幽異訝鷺兒時繞亭邊似
感右軍知已始某豈必苞桑繁銅仙辭漢無端徒須
知十二雕欄也不是晉賢凭倚若教山石能言爲述檣

江隱山房集 卷三
檻與廢那風流裙屐畢竟詠觴何地

望梅

咏紅魚

凡鱗羞件是金身鑄就丹砂重絢最愛渠分寸形骸徧
多錫嘉名供人清玩蘊藻中閒時有絳雲隱現幸不充
羹臍那怕綸竿何知江漢休嫌盎盎波淺我憑欄細
數幾開青眼囑獵奴珍重千般挹濠梁剩水注茲常滿
策策成羣看箇箇洋洋意遠似武陵源口浮出桃花零

亂

穠庭芳

重游北山瑞峯禪院復泛舟湘湖再過止水菴
入谷籃輿昇來阿對何須兒子門生遨游萬里野服未
曾更勿墮終南徑捷移文應不作山靈吾頭白卻輸菩
薩髻尙似峯青乘流向西去盪舟漱口湖水盈盈又
遇招提境樹疊雲橫一縷香榮薈葛勝荷花開滿前汀
年雖晚舊交多佛到處有逢迎